

OSTERØY KOMMUNE
Bygningssjefen
5250 LONEVÅG
Telefon 05-392100

Osterøy kommune
Kommunelege 1
5240 VALESTRANDSFOSSEN

Dykkar ref

Vår ref ER/MLM

Dato 14.07.88

00790018

DYKKAR BREV AV 03.03.88 VEDKOMANDE VASSFORSYNING BYSHEIM - JAN
MAGNAR SOLVANG.

Brunnen til Solvang er godkjend i samband med godkjenning av
frådelingsøknaden. Sjølv om det kan seiast at brunnen ligg utsett
til i terrenget med omsyn til forureining, kan sjølv sagt ikkje eit
spreidningsanlegg i dalsøkket ovanfor brunnen godkjennast.

Så vidt ein kan sjå av sakspapira har dette heller ikkje vore
tanken, i det føresetnaden for godkjenningsvedtaket sak 226/87 er
at kloakkanlegget - septiktank spreiding osv., skulle plasserast
etter påvisning av ansvarshavande for kloakkanlegget og
bygningssjefen, jfr. vedlegg.

Ved møte mellom representantane frå teknisk etat og impliserte
grunneigarar har det vore skissert to mogelege løysingar som bår
kan byggjast slik at dei tilfredstiller gjeldane krav.

1. Kloakk til sjøen med utslepp utanfor Grunnenvågen på - 20 m. På
grunn av omfanget av eit slikt anlegg må ein rekna med at dette
vert på lengre sikt.
2. Samling av kloakk frå Medimec A/S og dei to eksisterande husa i
området til eit felles sandfilteranlegg på tilvist stad.

Som ei straksløysing er punkt 2 den einaste mogelege så vidt ein
kan sjå.

I den samanheng har ein vore på staden saman med ein representant
frå fylkesadministrasjonen.
Konklusjonen var at det på grunn av terreng, jordmonn osv. måtte
anleggjast kunstig sandfilteranlegg. Som kjendt er det søkjar som
legg fram planar og kommunen ved bygningsrådet må godkjenna dei før
dei kan realiserast.

Før utbyggjinga kan setjast i gang må grunneigaren gjeva løyve til
bruk av grunn.
Det er søkjaren som ordnar med grunnspeørsmålet, men teknisk etat
står gjerne til teneste med orientering om krav, forskrifter osv. i
dette høvet.

Det er då føresetnaden at kloakk vert lagt i tette røyr fram til
utsleppsanlegget slik at forurensning av Solvang sin brunn ikkje
skal førekoma.


OSTERØY KOMMUNE
Bygningssjefen
5250 LONEVÅG
Telefon 05-392100

Dette er ei førebels orientering.

Når grunnspørsmålet er ordna og endeleg planløyising føreligg, vil ein i samsvar med § 5 i forskriftene oversenda truvande dokument for Dykkar vurdering.

Med helsing


Einar Rundhovde
avd. ing


Magnvald Hjelvik
fung. tek.sjef.

Kopi til: Medimec A/S v/ Kjell Røysæth
Øyving Bysheim
Jan Magnar Solvang
Kåre Bysheim.